



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 51. Rex Navarræ partes Clementis suscipit.

---

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

nionensi se submitterent. Sciebat probe, <sup>Sæcul. XIV.</sup>  
 Clementem scripsisse Regi, Consilio ejus, <sup>A. C. 1389.</sup>  
 Turoniæque, ac Burgundiæ Ducibus.  
 Quin etiam ipsa litteras a Clemente ac-  
 ceperat. Misit proin suorum clarissimos,  
 qui Regem incitarent, ut alterius partis  
 Principes ad tollendum schisma per lit-  
 teras induceret. Oratores S. Pauli tem-  
 plo proximum palatium, ubi Rex tunc  
 habitabat, ter adibant: nec responsum  
 nacti offensis recedebant animis. De-  
 mum paucis post diebus comperta est ele-  
 ctio Bonifacii.

Mortuo Urbano Burgundiæ Dux, ac  
 focer ejus Comes Flandriæ Leodienses  
 Canonicos impellebant, ut schismatis fi-  
 niendi causa se Clementis partibus ad-  
 jungerent. Collegium respondit: Per <sup>Rayn. 1390.</sup>  
 Urbani obitum non desinit ejus electio <sup>n. 19.</sup>  
 esse legitima, ideoque non minuitur jus  
 successoris ex præscripto canonum co-  
 optati: res veniret in exemplum Præsu-  
 libus cunctis, ipsisque Principibus pericu-  
 losum, si auctoritatem eorum vocare in  
 dubium, & obedientiam abjicere licitum  
 subjectis foret. Epistola data est nonis  
 Januarii an. 1390.

§. LI.

*Rex Navarræ Partes Clementis sus-  
 cipit.*

Mox dein Navarræ Rex novus Caro-  
 lus

Ff 5

lus



Sæcul. XIV. A. C. 1390. *Duboulay to. 4. p. 648.* *Vitæ PP. p. 525. 1378.*

lus III cognomento Nobilis rejecto neutrius partis studio, quod ejus pater elegerat, post sedulas deliberationes Clementi se addicebat per patentes litteras Pompejopoli datas 6 Febr. 1389, nempe 1390 ante Pascha. Persuaserat hoc Regi suus Cancellarius Martinus Saloa eadem in urbe natus, Juris Canonici Doctor, quod Avenione tradiderat diu, per Gregorium XI, cui a supplicibus libellis fuerat, Episcopus patriæ suæ decretus 16 Dec. 1377. Erat ex iis, qui potissimum impugnaverant electionem Urbani VI, & ad cooptandum Papam alium Cardinales maxime concitaverant. Et vero stabat a Clemente, qui eum purpura ornare voluit, tanquam ea doctrina, iisque moribus præditum, ut inter dignissimos Ecclesiæ Præsules numerandus esset. At tunc repugnabat Martinus Regem Carolum Malum ad agnoscendum Clementem faciliore negotio adducturus ut Episcopus, quam ut Cardinalis. Posteaquam vero Carolus Nobilis suum erga Clementem studium professus erat, per Viros illustres ad eum missos efflictim oravit, ut Martinum faceret Cardinalem. Annuit Clemens 21 Julii ex consensu omnium Cardinalium. Martinus titulum de S. Laurentio in *Lucina* nactus Ecclesiam suam in rebus sacris profanisque administrandam retinuit.